

Число 10.

Ужгород, октобра 1922.

Рочник II

БЛАГОВѢСТИЙ



ПОДКАРПАТСКИЙ БАНК в УЖГОРОДЪ

ПЛОЩА МАСАРИКА 11.

ОСНОВНЫЙ КАПИТАЛ 5.000.000 К.

ФІЛІЮ МАЕ АМЕРИЦЬ ПО ФІРМОЮ:

,American Foreign Exchange Bank“ of Mc. Keesport, Pa.

В МУКАЧЕВУ Головна улиця (дом Мукачія)
а також В ЯСТЬЮ.

ТЕЛЕФОН:

№ 47.



Чек конт. почт. щадн.

№ 2978.

ЦІЛЬ БАНКУ:

- а) Матеріально и морально подпирати наш б'єдний руській народ.
- б) Здобыти матеріальну независимость для Подкарпатской Руси.
- в) Забезпечити богатство (скарби, сокровища) Карпатов для всіх наших Русинов.

Взагалъ заниматися буде банк всѣми дѣлами и вопросами, которыми тисячами народа мож забезпечити роботу, заробок и добробыт.

Особливо заниматися буде наш банк: Дисконтацію вексилков, веденем б'єжучих рахунков, позичок вкладами, закупом товаров, промыслом, торговлею, господарством, поставленям фабрик и заводов.

РУСИНЫ АМЕРИКАНЦЪ УВАЖАЙТЕ!

Наш банк переведе вам найдешевше замѣну доляров, драфтов и чеков. За вкладки платить банк 4%. — У всяких финансовых (гропевых), господарских вопросах, кто ся до нас оберне ОДПОВѢМЕ БЕЗПЛАТНО

ПОДКАРПАТСКИЙ РУСИНЫ!

Подпирайте свой одинокий руський банк, свою власну інституцію,

□ Се ваша слава, честь и будучность. □

УПРАВА ПОДКАРПАТСКОГО БАНКА.

Число 10

Ужгород, октобра 1922.

Рочник II

ВЛАНОВІСТНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить раз в иѣсяць.

АДРЕС:
редакції и єкспедиції :
REDAKCIJA „ВЛАНОВІСТНИК“
Užhorod, Kapitulska, 3.

ПРЕДПЛАТА:

на рок 10 К
одно число 1 К
За границу 15 К
До Америки 25 с ($\frac{1}{4}$ Д)

ОБЯВЛЕНИЯ

приимаються по цѣнѣ
за 1 сторону .. 120 К
за $\frac{1}{2}$ сторону.. 75 К
за $\frac{1}{4}$ сторону .. 50 К

РЕДАКТОР-ИЗДАТЕЛЬ:
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР:
ЕМИЛІАН БОКШАЙ.

Жива церков.

Так ся назвала нова секта россійскоѣ „православноѣ“ церкви, котра под покровительством большевиков грозить коренным уничтоженіем россійску православну церков.

Недавно на з'їздѣ „Живоѣ церкви“ в Москвѣ рѣшено перевести „реорганізацію“ церкви „православной“, котра по их думцѣ не одповѣдала потребам „свободноѣ жизни“.

„Реформы“ желає „Жива церков“ завести такѣ, послѣ которых церковна организація стала бы чисто свѣтским товариством и утратила бы всѣ слѣды апостольскаго духа.

Так рѣшив тот з'їзд, что духовникам вольно женитися не лиш раз, но так, як свѣтским людям. Мож и розвестися хоть коли. И не лиш сѣльскѣ священники мають женитися, но и епископы. И не лиш перед посвященіем, но и по тому, хоть коли.

По рѣшенію з'їзда „Живоѣ церкви“ монастырѣ всѣ мають быти разпущенѣ, и так из россійскоѣ церкви отдалены бы были всѣ возможности и институціи аскетичноѣ жизни и серіозных научовых студій.

Розумѣется, что большевики особливо на маєток монастырей лакомляться иproto желяе ихня „Жива“

Сторона 2.

„БЛАГОВѢСТНИК“

Рок 1922.

церков уничтожити и послѣднѣ огнища якоѣ-такоѣ ще духовноѣ жизни.

Управу церкви хоче з'їзд вырвати из рук наслѣдников апостолов иproto рѣшив, что патріярхат має быти зрушен и за головну власть признан всероссійскій церковный сойм, который маєся скликати каждого третього року. Членов того сойма выбирають вѣрники.

Така-то новѣйша „жива“ церков в Россіи.

Туда довела урядова адмиnistraciя „православноѣ“ церкви; в таких „реформах“ выбивається мертводушie шизматикоѣ интеллигенцiи.

Щира, побожна душа теперь дуже много терпить в Россіи, и в сих тяжких часах все яснѣйше пробивається через хмари того мертводушiя жажда за истинну живу церков, желанiе присоединитися ко единой, святой, соборной и апостолской церкви Христа.

Превелика-то ласка Божа, достатися до того просвѣщенiя, и коли видиме, як глубоко подупала в Россіи дужовна жизнь, як страшно розшибається там в том упадку несчастна душа, порозумѣйме свою христiянскую повинность: молитися за сих близких наших, просити для них свѣтла Христового просвѣщенiя.

Дай Боже, чтобы в огню нынѣшних испытанiй воскресла в Россіи истинна жива Церков, Церков христiянско-католицка!

Давайте „Благовѣстник“ из рук до рук!

На концѣ года всѣх 12 примѣрников понесѣть у переплетню, чтобысьте мали кожного року одну цѣлу книжку, во которой так вы, як вашѣ дѣти и внуки найдуть оборону своеї вѣры.

Соберайте предплатников.

Каждый христiянин, кто любить свою вѣру повинен предплатити и читати щиру руську, христiянску газету „Благовѣстник“.



Церков Христова повинна быти едина, свята, *соборна* и апостольска. Что значить туй слово: соборный. Соборный только, як по гречески каоолицкій (католический), по руськи загальний (всеобщий).

1. Христос основав таку Церков, котра должна голосити въру християнску не для одного народа, но для *всѣх народов свѣта*. До христовой Церкви мають належати *всѣ народы свѣта*: и нѣмцѣ, и французы, и чехи, и русины, и поляки, и италійцѣ. „*Шедше въ міръ начине всімъ языкамъ*“ (Мо. 28, 19) говорив Христос, а не только один народ. Дале Христос не ограничивав свою Церков на якусь частину земли, або на якій край, але казав: „*Шедше во міръ весь, проповѣдите Евангеліе ксей твари*“ (Мр. 16, 15). Христос хотѣв и то, чтобы его Церков была загальна *взглядом времени*, т. е. чтобы она не прекратила ся существовати до конца свѣта. „*Се дазъ скілами есмъ во всімъ дни до сконченія вѣка*“ (Мо. 28, 20).

2. Многъ религійнѣ товариства держать себе истинною церковію Христа, хотя Христос только одну Церков основав, котра должна быти едина, свята, *соборна* и апостольска. Попозерайме ци *соборна* наша Церков, котра себе головно *соборною* (каоолическою) именує? Так есть она *соборна* в полной мѣрѣ. Церков католическая не ограничиває ся на один або другій народ, на один, або другій край, на одну, або другу частину свѣта, але всюди ци у нас, ци в Италии, ци у Франції, ци в Америцѣ, ци в Австріи церков као має своих Хра-

мов Божих, своих проповѣдников и свое богослуженіе. Постоянно высилае сотки и тысячи своих высланников-міссіонаров у всѣ стороны, свѣта, чтобы голосити Божу науку, ширити Христово царство. И тысячи и тысячи их розходять ся по цѣлом свѣтѣ, также пята часть рода людскаго принадлежить до каѳолической (соборной) Церкви и сіе число постоянно росте, як одно дерево все новѣ конары выпускае.

Дале каѳол. Церков соборна (загальна) есть и взглядом времени. Она постоянно существует от Христа, а не было нѣ одного дня, коли она бы не существовала была. И не буде нѣколи зчезнути. И хотя тяжкѣ были початки ей житя, хотя нераз здавало ся, что уже припсов конецъ ей, однак она зостала непобѣдима, незломана, бо пообѣцѧно ей: „Брата ада не одолѣютъ ей“ (Ме. 16, 18). Во первыхъ дняхъ ей житя со мечем и оружіем повстав противъ ней жидовскій и поганскій свѣт; цѣлыхъ три столѣтія провадить ся противъ неї сеѧ страшна борьба. Цѣлѣ потоки крови розлили римскѣ цѣсарѣ и лютѣ тираны. Цѣлѣ міліоны вѣрныхъ дѣтей Христовой Церкви проливало кровъ свою въ оборонѣ Христа и Его науки. Та мимо сего Христова Церков на конци побѣдила тиранов и цѣсаров, они погибли, хиба ихъ зла память жіе въ исторіи, а Церков Христова сіяе повна блеску и житя. Само такъ побѣдила она и тыхъ, котрѣ не мечем, не оружіем, но ложными науками, ересами и роздорами (шизмою) хотѣли уничтожити каѳол. Церков.

3. А теперь звѣдаеме, ци іншѣ церкви, котрѣ не суть Христовыми, могутъ себе справедливо соборными (катол.) называть? Жадна! Жадна изъ нихъ не може называтися соборною зато, бо жадна изъ нихъ не обоймае такъ богато розныхъ народов, як наша Церков. Анѣ лутерска церков, анѣ кальвинска, анѣ англиканска, анѣ шизматицка не мають такъ богато вѣрников, як Церков Христова. Въ россійской шизматицкой церкви анѣ третина только вѣрников не е, як въ Христовой Церкви; и сесѣ розпадаются на много сектов, ересей. До того жадна інша церков не есть такъ розширена, як Церков Христова; она позната во всѣхъ кутахъ землѣ. А другѣ ограниченѣ на одинъ народ, або на одинъ край. Лутераны и кальвинисты головно въ Нѣмеччинѣ, Англиканы въ Англіи, шизматики въ Россіи жіютъ переважно. Кто бы чув даколи

за нѣмця „православнаго“, або француза, англичанина шизматицкого?! Россійска церков только от р. 1870 почала навертати поган, живучих в Россіи. А каѳолики (грецкого або латинского обряда) находять ся так меже французами, англичанами, мадярами, италійцями, як меже русинами, румунами, москалями, китайцами, японцами и т. д. Не е такого народа на свѣтѣ в котром бы не находили ся вѣрники каѳ. Церкви.


А кромѣ сего Церков каѳол. от часов Христа без перерви существує аж до нынѣшнього дня, доки прочѣ церкви мають свой початок далеко позднѣйше. Лутерска церков повстала в 16. столѣтію, шизматицка в Греції в 9 столѣтію и в 12. столѣтію приходить на Русь, жадна друга церков не годна доказати, что початок має от самого Христа и апостолов. Правду сказав на них Тертуліян: „Вы позднѣйше повстали, як мы, ваша наукаproto фалшива. Вы не походите от Христа“.

Не дивно зато, что всѣ другѣ церкви и не смѣютъ называть себе соборными, або (по гречески) каѳолическими; выбрали собѣ иншакѣ назвы: кальвинска, лутеранска, англиканска, россійска-„православна“ церков, бо добрѣ знаютъ, что они не суть соборными, они не для всѣх народов, но для одного-другого народа, або краю призначенї. Соборна т. е. еснована от Христа для всѣх народов и для спасенія всѣх людей только одна, наша православна-каѳолическая, и великое наше счастья, что мы находиме ся в лонѣ сеѧ Церкви.

Просиме каждого читателя „Благовѣстника“, пописати нам всѣ клеветы, брехнѣ, напады, всѣ злочины, беззаконности, насильствія здѣланї шизматиками — против гр.-каѳолическоѣ православноѣ вѣры и еѣ вѣрников.

Наша повинность просвѣщати неуких и одбивати напады злых.

Подперайте всѣ сесю нашу задачу вашими дописами и статьями!



† Хто нищить вѣру? Ци уже раз писали о том, что ту-тешна шизматицка вѣра не ииша, як чехословенска вѣра восточного обряда. Теперь сіе наше постановленіе потвер-джають и факты: Во Вульховцях „одиноспасительну шизму“ якійсь Рацин почав розширьовати, кто передже свинярь, кочишь; потом в Америцѣ гр.-кає. пѣвець (дяк) а пак запхався в реверенду и став „твѣрдым православным свя-щенником“. А днесъ? Днесъ е місіонарем „ческословенской церкви и вѣры“ в Вульховцях и записує народ в ческосло-венску церков.

Шизматицкѣ агитаторы обвиняли и теперь обвиняютъ гр.-кає. духовников „что знищили нашу отцевску вѣру“, но живѣ факты правѣ то доказують, что де зостав гр.-кає. свя-щенник там и вѣра давна зостала т. е. правосл. гр.-кає. а христіяны в спокою жіютъ. А де удало ся им всякими бре-хнями звести народ, там настала друга, навѣть и третя вѣра, на шею народа сѣли всякѣ темнѣ одиницѣ и ссуть кровь збаламученых селян и подбурюють русина против русина, брата против брата. Дурили их, что принесли им из Востока тверду православну вѣру, а на конци выявить ся что сеся нова вѣра из Запада, от еретика Гуса, не православна, но ческословенска, покрокарска вѣра.

Та думаете, что сесю ческословенску вѣру проповѣдали Апостолы и учили св. отцы Василій, Іоан Золотоустый, Ни-колай и пр.? Смѣшное дѣло! Та тогды кто нищить вѣру нашу прадѣдну, ци нашъ греко-кає. священики, ци шизма-тицкѣ батюхи?!

Батюшка и тайн супружества. В Лучках сидить и „дѣйствує“ оден батюшка (что быв перед тым?), кто собѣ дозволяе розрѣшати то, что сам Бог звязав. Дѣло такое:

Василь Качур з Нов. Давидкова еще в Америцѣ перед о. духовным Виктором Добра подружив ся (оженив ся) з одною дѣвкою, Марією Сможаниця из Ключарок. Из сего одруженїя мали они двое дѣтей, одно умерло, другое жіе. Василь Качур думав одно, пришов дому и лишив свою жену и дѣтишу в Америцѣ. Туй закортѣло его знов оженитися. Учув, что в сусѣдном селѣ нова вѣра (не така згублена, як стара, айбо тверда, еще твердѣйша, як камень) пошов до Лучок и засватав там одну дѣвицу якогось Балога шизматика. *А батюха без всяких документов побожив того чоловѣка*, о котром добре знат, что божену жену має и дѣтина его жіе в Америцѣ. А коли за се завдали до суду, нещастный с тым оправдав ся, что американскѣ законы не важнѣ для Подк. Руси.

Но та видите, яка tota вѣра?! Мож жити ло цигански, батюшка за добрѣ грошѣ готов и сто раз розвязати то, что Бог сочитав. То и до теперъ зналисме, что перед ними не только американскѣ, но жаднѣ людскѣ законы не важнѣ, айбо то, что перед ними и Божій закон нич, то сим оголошуеме всѣм русинам, обы видѣли за яку вѣру мають они выступати из Христової Церкви. Правительство же енергично возываеме, чтобы отповѣдным способом (до темницѣ з ними) дало им на знаня, что они теперъ не може свинями „дѣйствовать“, но може людьми покрещенными.

„Православіе“ перед судом. Схизматики доти хвалилися, что жупан со нима, журат (солгабіров) их, чехи всѣ подпорують схизму, доки дѣло не дойшло до суду. Перед судом на конци выявило ся то, журат не журат, жупан не жупан — порядок и справедливость мусить быти. Так утратили З-го окт. Бедевельскѣ (ж. Марм. окр. Тересва) шизматики право за церков. Такожде Вульховским шизматикам выповѣди суд в Тересвѣ 4-го окт. в смыслѣ котрого А. Рацин (тамошній батюх) зовсѣм беъззаконно и насильственно заняв гр.-као. фару и церков и должен посѣданя сейчас передати

Сторона 8.

„БЛАГОВѢСТНИК“

Рок 1922.

гр.-каєоликам. Інтересна рѣч, чо на процесѣ доказано було и то, же село Вульховцѣ все одно було, не було ніякого роздора доки Рацин людей не роздвоив. Оттаку то заслугу мають батюшки коло розвитія культури и народного добробытія руського народа!

Е и у нас много таких? Галицкій „Місіонар“ пише: До одного монастыря тут в Галичинѣ запросив ся быв оден хлошец из села, „чтобы Богови служити, та спаси душу“ Василь Стрілчик звав ся. Монастырь пріяв его, а понеже кром сельской школы не мав ніякої іншої науки, научили его на ремесло книгоплетеня. В часѣ войны мусѣв он пойти до войска, де упав в італійскій плен. Выйшовши из пленна, блукав ся за якийсь час в Римѣ, в Виднѣ, в Боснії, де его тамошнѣ люди наяли за дяка и учителя до сельской школы. До монастыря вернути ся уже его нетягнуло. Коли настоятель монастыря о сем довѣдали ся, сказали: „або верни ся, або скинь монашу одежду и не роби стыду“ и он по правдѣ верг. Сим он перестав быти монахом, и став чоловѣком, которому война и блуканина по свѣтѣ перевернула голову и скривила душу. Монастырь на концѣ, коли он довго не вertas дому, примущеный быв выключити из своего лона. На се наш Василь, мѣсто того, что брати ся до чесної, роботы, пошов до шизматицкого епископа в Боснії, та став шизматицким батюшкою. Як и пословица каже: „Пойде чиган ворожити, або стане попити, як не буде из чого жити.“ Потом — як колись Юда за срѣбняки продав Христа, — так Василь за сербскѣ дінары подняв ся юдину роботу збаламутити на шизму легкодушных людей поселенцев в Боснії.

Правѣ такѣ одиницѣ баламутять и у нас наш руській народ. Еще и горшѣ! Кобы люди отворили очи и зрозумѣли страшное нещастя свое и своих дѣтей, которое им грозить на другом свѣтѣ за вѣроломство. Еще николи не ходило только дурисвѣтов на нашей земли як теперь и еще николи

Рок 1922.

„БЛАГОВІСТНИК“

Сторона 9.

не мав діявол таку богату жатву як из сих темных одиниц. Чеснъ русины уважайтє и „стойте в вѣрѣ“, бо времѧ лютое!

Голос Руського народа. У одной тутешной газетѣ (Карп. Руській Вѣстник) появив ся дописъ селянина из Хуст-Боронявы чтобы люди познали як мыслить и думає чеснýй народ о шизмѣ, сим передаеме и мы нашим читателям слѣдуючѣ строки:

Не могу порозумѣти нову вѣру. Тадъ я перейшов мож сказать всю Европу, но сякоѣ дикоѣ вѣры не видѣв, яка теперь у нас в Подкарпатской Руси. Коли чоловѣк со чоловѣком стрѣчаesя, та так суть, як пес со коткою. Іисус Христос сіе нас учив: „Бо злюбите дрѹг дрѹга, яко аз возлюбих вас“. Нововѣрцы днесъ уже то кажуть, что Іисус Христос славы не мае и что слава в жебнѣ. Сим нововѣрцям можно палити, красти, вымя коровы одрѣзати и тих спокойных христіанов преслѣдовати, котрѣ не стануть на их вѣру, бо их неученый батюшка все одмолить. Прошу вас нововѣрцы, обернѣтся ко Богу, не ведѣть в грѣх, не обѣцайте нам гранати, коли вѣрный народ иде на отпустъ до Боронявы. Мы честнѣ православнѣ христіаны боялися, боимся и будем боятися Бога, но вас нѣт. Мы готовъ умирati за нашу истину православну вѣру, як днесъ, так завтра, або таку вѣру нам не треба, мы не хотеме ни палити, ни красти, ни бомбы не обѣцаеме тому народови, котрый народ любить Бога, не знаю за якѣ гроши и земли. Вы обманутъ, подплачены, лѣпше бысьте походили, кедъ бысьте за автономію трудилися, котра нам обѣдана. Ци братя чехи хотять нам дати нову вѣру, от чого народ диким став?

Многѣ из них нїяку вѣру не мають, не молятся, до церкви не ходять, кажуть что Бога не есть, паску не святять, а коли умрутъ, та banda им рѣже. Мы нашу вѣру не лишиме, у нас есть вѣра дѣдов и прадѣлов.

Василь Мацканюк
истинный прав христіян.





Милосердна рука Божа.

Слуга: Отче духовный! Панъ великоможна дужс хворъ и любили бы ся высповѣдати, придѣть еще днесь, бо не знати ци дочекать рано.

Священник: Де бывае?

Слуга: Во Албрехт улицъ 67 число, 2 поверх, 3 дверъ. Священник пообѣцяв, что зараз пойде; слуга отправився дому. Там у одну годину зайде священник у 67 ч. хижу Албрехт улицы, выйде на 2 поверх и затворить дверъ 3-ого нумера. В постели лежить одна стара жона. Священник красно поклонить ся, но жона сердито закричить на священника: Пане, что вы глядете туй? Кто вас сюды кликав? Чому докучаете менъ, не видите, что я хвора? Вотки берете тоту смѣлость без жадного прикликаня зайти у мою хижу. Як потребую вас, та даю покликати.

Священник: Перепрошу, панъ великоможна, я не пришов без призыва. Перед одною годиною у мене быв ваш слуга и просив, чтобы я пришов до вас; казав, что под числом 67, II поверх, 3 дверъ одна хвора жона хоче ся сповѣдати; видите як пасує все.

Панъ: (сердито): Тогда дакто або з вами, або з мною зробив фиглю.

Священник: За сяку фиглю я вдячно отпускаю хоть кому, бо хворый чоловѣк певно велику потребу має на утѣху. Что вам мое нащивленїе тяжко упаде, то я дуже жалую. И не хочу довго остатися туй, только прошу дозволити менъ мало сѣсти; в сповѣдальницѣ дуже утомився и дорога сюда доста довга и трудна. И вам, думаю, добръ упаде мало поговоритися.

Рок 1922.

„БЛАГОВѢСТНИК“

Сторона 11.

Панъ, что зпала чинити, дозволила священникои сѣсти. Священник сѣв и почали говорити. На конци хвора жона побожно высповѣдалася и причащалася. Священник пошов дому, благодаря Бога, что удалось ему привести одну душу к покаянію и к Богу, котра уже за многъ роки не творилася нич з Богом. Но ледвы дойшов дому, самий тот слуга, котрый переже набѣгае и загойкае: Отче духовный та идѣть уже; панъ великоможна так тяжко чекае вас, про Бога не откладайте сповѣдь!

Священник: Любезный мой, та я правѣ теперь пришов от твоєї панѣи—каже з дивованіем.

Слуга: Перепрошу пане, я цѣлый день дома быв, и чекав на вас; вы днесъ не были у нашей хижѣ.

Священник: Айбо вѣруй менѣ, сыне, коли кажу, что я правѣ теперь вернувшись дому из хижи Албрехт улицѣ ч. 67, II. поверх, дверѣ 3.

Слуга: Та то выскочило из моего рота, что 67 число,

Священник: Правда! Вы казали менѣ прийти у хижу ч 67. поверх II, дверѣ 3.

Слуга: Ой-ой, пане превелебный, простѣть менѣ, я замылився; мы под 76 числом бываеме, на II поверхѣ, в дверех 3, а не под 67.

Священник: Се цѣлком іншое; но зато не журѣться, сесю помилку дозволив Бог, чтобы спаслася одна душа. Идѣть з Богом, я зараз у вас буду.

Священник пошов, зробив свое спасительное дѣло, вернувшись и щиро подяковав Богу, что сего дня двом душам улегшив приступ у царство небесное. Другого дня раненько, два разы чутї было звоненя. Обѣ жоны майже в том самом часѣ отдали свою душу Сотворителю, спокойно, блаженно. Одна под 67, друга под 76 числом.

Обовязком каждого гр.-кат. вѣрника есть читати и распространяти нашу руську католическу новинку „Благовѣстник“!

Старайтесь, чтобы и другѣ вѣрники предплачивали!

НОВОСТИ.

— Покров Пресв. Дѣви Маріи. (До заголовного образа.) В десятом вѣцѣ сталося в Константинополѣ: Одного дня подчас Богослуженія у влахернській церкви св. патриарх Епифаній со святым монахом Андреем видѣли в воздухѣ Пречисту Дѣву окруженну ангелами. Увидѣвшіе то, дуже напудили ся и почали горячо молити ся. Подчас молитвы утямили велику ясность, котра покрываала всѣх в церкви. А коли поднесли очи горѣ, увидѣли, что Пресвята Дѣва своим омофором покрываала всѣх людей в церкви и при том чули, як она вставляла ся у своего Сына за народ. На сесю память установленный праздник Покров Пр. Дѣви Маріи. Во нашей епархії сей праздник есть офиціальnym праздником епархії Мукачевской и Пр. Д. Марія покровителькою нашої епархії.

— Др Діонізій Нярадій епископ крижевацкій (Югославія) именований за апост. визитатора до Пряшева. Крижевацкій епископ есть щирый друг нашої газеты: Благовѣстник, котру заказав для одинокождоѣ парохіи своеї епархії.

— Епископска конференція была 14-го окт. в Празѣ, куда собралися всѣ епископы Ческо-словенскої республики.

— Упокоив ся. О. Николай Валковскій, священик и член еп. конзисторіи, бывшій професор и директор Мукачевскої гимназіи умер.

— Шириться унія на Українѣ. Галицкі священики всѣми силами працають над святым дѣлом соединенія Восточної Церкви с вселенскою (каѳ). На Українѣ за рядом перебирають ла-

тинскѣ церкви, в яких (про недостаток лат. священников) они кончатъ отправы для новонаверненных гр. католиков.

— Протестантска вѣра. В Римѣ найшли межи старыми рукописами лист отступника Лутера, который он написав своей матери. Нещастна мати перенята журбою про свое вѣчное спасеніе так писала до него.

„Дорогій сину, не зводи твою матерь! Але скажи менѣ мушу и я покинути католицку вѣру?“

Лутер ей одповѣвъ: „Я тобѣ кажу лиши ся католицкою я не хочу ошукати и зрадити свою матерь.“

Ци не поучительное дѣло се и для наших шизматиков, котрѣ на бунтованія агитаторов (из ко- трих многъ и у самого Бога не

Рок 1922.

„ВЛАГОВЪСТНИК“

Сторона 13.

(вѣрють) полишають свою отцевску гр. кає. вѣру?!

— **П. вицегубернатор Эренфелд в мукачовском монастыри.** Пан вицегубернатор Эренфелд дня 16-го того мѣсяца послѣ обѣда посѣтив в супроводѣ пана радника намѣстнитства д-ра Еха монастырь в Мукачовѣ. При входу монастыря под веденіем игумена о. Малицкого привѣтствованѣ были монахами и питомцами. Привѣтствованіе было даже сердечное. Пан вицегубернатор послѣ того переглянув монастырь, церкви, даже цѣнную библіотеку и архив. Послѣ 1. годинному пребыванію пан вицегубернатор вернувся до Ужгороду.

— **Радость Пряшевской Епархіи.** 15-го окт. того рока Пряшевска Епархія потѣшительну радость дожила. Того дня посвятив неутомимо працюючій викарій Д-р Николай Руснак от него оснований дѣвичій интернат, правленіе котрого того дня урядно перевзяли всечестнѣ сестры о. Василія В. Перед полуднемъ была божественна св. Литургія, кончена с полною ассистенцією Д-ром Николаем Руснак, епископским викаріем а по полудні руській вечерок устроивали питомцѣ тогото интерната на честь основателя своєго Д-ра

Николая Руснака з совершеннымъ успѣхом. Публика многочисленна одушевленно наслаждалася в красных русских пѣснях, декламаціях и русских орелских представлениах. Послѣ того отбылося повное засѣданіе „Союза Русских Жен“.

— **Соборна Церков.** В Китаю число католиков перевысшае 2 миллионы, котрѣ стоять под управою 56 епископов и 2416 священников, из котрых 998 автохтонов (тамошних). В Wonohow-ѣ мають одну коллегію, на котру само французское правительство 50,000 франков даровало (Котра также межи всѣми церквами соборна? !)

— **Соціалисти и вѣра,** то небо и земля. Оден основатель сей партіи пише: „Мы з Богом кончилисме“. Головный их апостол жид Бебел заявил: „Царство небесное перепустили сме ангелам и — воробкам“. Оден першій основный член их на собранію в Штутгартѣ явно оголосив: „Мы Бога за прибѣжище глупости держиме. По нашему мнѣнію Бог есть наибольшим нещастіем свѣта; мы почали завзяту борьбу против Бога“. Зазначѣть собѣ сесѣ слова и мѣркуйте, бо и ныиѣшнѣ „вожды“ нашого народа суть сего красного „вѣроисповѣданія“. Мaska православна, а сердце поганское.

— **Выименованя.** Его Преосвященство Епископ выименовав Іоанна *Андрейцов* намѣстником округа Занастаского, Евгенія *Йелеш* и Иларіона *Дзубай* титуларными намѣстниками, Василія *Ляхович* парохом, Стефана *Нуза* сотрудником до Ракошина, Михаила *Мочкош* эксгортатором в ужгородской гимназіи; Іоанна *Клин* пѣв. учителем до Княгини, Георгія *Орос* до Мокрого, Іоанна *Дорогій* до Черни, Стефана *Федорка* до Убрева, Іоанна *Ревтій* до Бруда, Ирину *Лешков* до Сачурова, Михаила *Лапко* до Янячовец и Іоанна *Сможанскій* до Ключаръок.

— **Святять шизматики.** В Нересници (ж. Мараморощ, окр. Тересва) шизматики подпалили сѣно вѣрных и ревных греко-католических вѣрников, именем Василія *Томитинець*, Василія *Михайльо*, Михаила *Мурга Митришиного*, Юры *Гасинець*. Погорѣло до 50—60 возов сѣна (5 оборов!) Шизматики таким способом хотѣли задержати со шизмою уже насытившихся людей, чтобы шкодою гр.-каоликов настраженъ не зайдли до церкви. Из меже шизматиков нѣкоторъ и выявили: „Приступѣть к нам! Нич вам не буде! Что стоите з гр.-каоликами?“ и т. д. Бѣдната шизматики! Такими средствами свѣтите вы на тутору дорогу, котра от вас до нас приведе тых, котрих насильственно оторвались от нас.

— **Шизм: русскій Вѣстник** уже не выходить. Правду має. Шизматики довольно здуренъ уже, начто ихъ дальше дурити. Або може головный редактор, Кирило Прокоп, поѣхав на курс неграмотных учити ся писати.

— **Назад в Христову Церков.** Радостно чуеме, что в Подплещѣ (ж. Марм.) христіяны уже вдоволенъ брехнями шизматиков, учирилися насильствіями агитаторов и упознали, что заблудили от истинної дороги. Минувшого тыждня собралися под вedeniem сельского старости Юры Мацола, пошли до давного своего гр.-као. духовника, чтобы им, яко блудным сынаи отпустив всѣ пропины и твердо обѣцяли и в протокол записали, что в будучности всѣ вѣрнѣ будуть до своеї истинної правосл. гр.-као. вѣры и до своего духовника.

— **Влом в церков.** Шизматики (кто іншій робивбы такое?) вломили ся в нересницку церков, котру окресный суд узяв от шизматиков и передав гр. каоликам. Еще перед тым шизматики вырѣзали сердце звона в звонницѣ, чтобы гр.-као. не могли звонити. Но гр.-као. купили собѣ другое сердце и чтобы злодѣй шизматики не могли украсти, положили в храм Божій. Одной ночи подкопали мурованя церкви, залѣзли в церков и глядали сердце звона (сердце не нашли). Файна вѣра,

Рок 1922.

„БЛАГОВѢСТНИК“

Страница 15.

в интересѣ котроѣ и красти до-
зволено!

— **Поверненіе одного без-**
божника. В Мадридѣ жіє якійсь
Diego Gomes de Valle, кто быв
вождом испанских безбожников ;
через много роков в больших го-
родах бесѣды держав против вѣ-
ры и против каѳ. Церкви з вели-
ким успѣхом. Не давно похорон-
лася его одинока дѣвочка. А лѣ-
карѣ попробовали все, но ничо
не помогло, коли раз нагло, чу-
десно выздоровѣла ся. Сіе дѣло
так тронуло сердце безбожного
отца, что под коротким часом
явно и публично вернув ся в
лоно каѳол. Церкви. Сіе дѣло
довго пертрактовали испанскѣ
новинки.

— **80,000 дѣтей без рели-**
гійного выховання. В Питсбур-
зѣ (Америка) до школы записано
80 тысяч дѣтей. Понеже в дер-
жавных школах не свободно ре-
лигію (вѣру) учити, сесь дѣти
воспитаютъ ся без Бога, без вѣры.
Теперь обывательство городское
решило на себе взять должностъ
найти способ, яким можно бы
обеспечити религійное выховання
молодежи.

— **Удержаніе школ в**
франції. В одной французской
провинціи Vendée правительство
хотѣло перебрати всѣ сельскѣ
(католицкѣ) школы для державы.
Коли се учulo обывательство, рѣ-

шили под жадным условіем не
передати молодеж выхованю без-
религійному. Почали агитовати и
собрали грошей на 2 миллионы.
Из сих грошей воздержують тѣ-
пер : 374 школ з 900 учителями и
38 тысяч школярами. (А наши
школы без всякої протестаціи
падаютъ жертвою удержанія !)

— **Батюшка и роковина.**
Батюшки за свѣт не просять ро-
ковини ; наѣть они готовѣ и за
самый „телек“ служити и кажуть,
де и того телека нема, там они
добераютъ ся из широѣ любви
народови служити и жити из воз-
духа. Такими обѣцянками удастъ
ся им для себе здурити парод.
Но коли уже сѣли на шею народа,
тогда не любить ся им задарня
служба и пожадаютъ от вѣрников
платню. Плати русине ! Так ро-
бив и той кондап-батюшка Бѣла-
ка в Горондѣ. Не менше, як 3000
кор. просив на оден мѣсяц и до
того дрова. И коли Горонднянскѣ
на се не пристали, тогда звер-
нув ся до Рущан. По Рущанскѣ
також дорожили сесю платню и
не пріяли его. 3000 кор. на оден
мѣсяц мало много, думали собѣ
„православнѣ“ и теперь глядають
„туншого“ попа.

— **Сербы против безрели-**
гійної школы. В Сербіи не давно
вышов закон, по которому свяще-
никам в школѣ не свободно учити
религіи ; се должно кончiti учи-

телѣ. Против сего протестовали не только каѳолики, но и сербскѣ шизматики. Их офиціяльна газета: „Вѣстник“ в одной статѣ поносуєся, что до революціи церкви повнѣ были учениками и побожно спѣвали и молили ся а теперь учителѣ лишь тогды приводять дѣтей до церкви, коли даjakое державное свято е. До чого сесе доведе? До анархіи и до цилковитого розвалу державы.

— Метрополит Галицкій в Америцѣ граф Шептицкій, сей ревный проповѣдник и оборо-

нець вѣры нашоѣ посѣщае церкви и парохіи гр. каѳолицкѣ. Всягды привитають его з великим торжеством, а он в каждой церкви проповѣдь держить и слово дає вѣрников. Коли сесю визитацію докончить, верне ся до Риму и воттам до Галичини.

— Старинный римскій цинтар нашли в Испаніи в селѣ Родриго с численными памятками из року 150 перед Христом.

— Конкурс. Марам.-сиготскій гр. каѳ. рускій викарій оголосує конкурс на посаду гр. каѳ. приходника во Реметах. (Румунія.)

ПЕРЕПИСКИ РЕДАКЦІИ.

Просиме всѣх пренумерантов еще сего мѣсяця заслати предплатну цѣну.

Крѣпковѣрый. Дописи мусѣлисме мало перероблювати. „Хижи без креста“ в слѣдуючом нумерѣ. Щира подяка.

Гелебан. Дѣло наше передано одной комиссіи. Коли здѣйстнить ся, не знати.

В редакції Благовѣстника можно получить книгу :

12 Кч. СЛОВО БОЖОЕ. 12 Кч.

Модернѣ, перворяднѣ проповѣди на малоруськом (украинском) літературном язылѣ. Содержае в собѣ 36 проповѣдей. Легкій понятный язык, ясный перегляд, модерна тема характеризують сей зборник проповѣдей.